

Meeqqanut pinerliisimanginnermut uppersarsaatip imaa annertusillugu meeqqanik atoqateqarsinnaanngorsimasunik kinguaassiutitigut pinerliisimanerit ilanngunneqartalernissaat pillugu Kalaallit Nunaanni Meeqqanut pinerliisimanginnermut uppersarsaammut malittarisassat allanngortinneqarnissaat siunertaralugu naalagaaffeqatigiinni oqartussaaffinnut saaffigineqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Allanguinerup peqataanik Namminersorlutik Oqartussat meeqqanut pinerliisimanginnermut uppersarsaammik piniarnissaminnut pisussaaffeqarnerat annertusineqassaaq inuit meeqqanut oqaatigineqartutut ukiulinnut attaveqartartussanngorlugit atorfinittussat imaluunniit sullissisussat ilanngunneqarsinnaanngorlugit.

(Inatsisartuni ilaasortaq, Steen Lyngge, Demokraatit)

Akissuteqaat

(Ilinniartitaanermit, Kultureqarnermit, Ilageeqarnermit Nunanullu Allanut Naalakkersuisoq)

Siullermeerneqarnera

Naalakkersuisut Inatsisartuni ilaasortap Steen Lyngep Demokraatineersup siunnersuuteqarneranut qujapput.

Aalajangiiffigisassatut siunnersuummi siunertarineqartunut Naalakkersuisut tamakkiisumik isumaqataasinnaammata Naalakkersuisut aallarniutigalugu erseqqissassavaat.

Soorlu siunnersuummi takuneqarsinnaasoq Naalagaaffimmi oqartussaasut pinerluuteqarsimasunik nalunaarsuiffik pillugu nalunaarummik taaneqartartumi meeqqanik pinerliisimanginnermut uppersarsaatit pillugu malittarisassiaat taamaallaat meeqqanut 15-it inorlugit ukiulinnut kinguaassiutitigut pinerluuteqarsimanermit paasissutissanut ukiorpasuarini tunngasimapput. Peqatigitillugulu meeqqanik pinerliisimanginnermut uppersarsaatit taamaallaat meeqqat 15-it inorlugit ukiulinnut inuit toqqaannartumik attaveqartartussat imaluunniit meeqqat 15-it inorlugit ukiullit akornanni aalajangersimasumik najuuttartussat atorfinitsinnissaannut sulisinnissaannulluunniit atugassat tunniunneqarsinnaapput.

Oqartussaasoq peqatigiiffilluunniit il.il. inunnik inuusuttuaqqat 15-it sinnerlugit ukiulinnut toqqaannartumik akornanniittartussanik imaluunniit taakkununga attuumassuteqartartussanik atorfinitsitsinissamut suliaqartitsinissamulluunniit atatillugu paasissutissanik pissarsiniarnissamik kissaateqarsimappata tamanna pinerluuteqarsimanginnermik uppersarsaatinut nalinginnaasunut malittarisassat atuuttut malillugit pissaaq. Tamatumani aamma oqartussaasup peqatigiiffiulluunniit pissutsinut inunnut 15-it inorlugit ukiulinnut kinguaassiutitigut atornerluinermit tunnganngitsunut pinerluuteqarsimanermit tunngasunut allanut paasissutissanik piniarnissamut kissaataannut tunngatillugu atuuppoq.

Pinerluuteqarsimanermut uppersaatait nalinginnaasut uppersaatinut namminerisamut pisortatigoortumullu avinneqarsinnaapput. Pinerluuteqarsimanermut pisortatigoortunik uppersaatinik atuinermi pisortani oqartussaasut inummit paasissutissanut tunngassuteqartumit akuersissummik piniareernikkut atorfinni aalajangersimasuni allanilu atorfinitsisinissani atugassanik pinerluuteqarsimanermut uppersaatinik immikkut ittunik piniarsinnaatitaapput. Pinerluuteqarsimanermut uppersaata taanna eqqartuussisutitut, akiliisitsisutitut aamma danskit pinerluuteqarsimasunut inatsisaannik aamma pinerluttulerinermik inatsimmik unioqquitsisimasunut atugassarititat ilanngullugit unnerluussummik atorunnaarsitsinermik imaqarpoq. Aammattaaq pinerluuteqarsimanermut pisortatigoortumik uppersaata taamaattoq inatsisunik allanik unioqquitsisimanerit pillugit aalajangiinermik imaqarpoq, matumani kiffaanngissusiagaaneq imaluunniit pisinnaatitaaffinnik arsaagaaneq, soorlu biilersinnaajunnaarnermik, pillugit pineqaatissiisoqarsimappat.

Peqatigiiffiit namminersortut il. il. pinerluuteqarsimanermut uppersaamik pisortatigoortumik taamaattumik pissarsiniarnissaminnut periarfissaqanngillat. Pisortallu inummut peqatigiiffiup atorfinitsinniagaanut sulisorilerniagaanulluunniit nammineerluni pinerluuteqarsimannginnermut uppersaammik inummut tunngasumik piniaqqusisinnaanera takutitsinissaalu kisiat periarfissaraat. Pinerluuteqarsimanermut uppersaata namminerisamut pigineqartoq pinerluttulerinermik inatsimmik aammalu aannajaarniutit pillugit inatsimmik unioqquitsinermi eqqartuussutit akiliisitsinerillu pillugit paasissutissanik taamaallaat imaqarpoq.

Aammattaaq pisortatigoortumik namminerisamillu pinerluuteqarsimannginnermut uppersaataatit atorpeqartartut meeqqanut pinerliisimannginnermut uppersaataip atorneranut sanilliullugit assigiinngissutit marluk qitiupput. Meeqqanut pinerliisimannginnermut uppersaamma paasissutissat pisortatigoortumik namminerisamilluunniit pinerluuteqarsimannginnermut uppersaataanni paasissutissanut sanilliullugit pisoqaanerupput. Eqqartuussutit il.il. meeqqanut pinerliisimannginnermut uppersaamma allassimasut pineqaatissiissutit naammassineqarneranit ukiut 20-t aatsaat qaangiukkaangata aammalu kinguaassiuutitigut pinerluutinut sakkortuunut atatillugu pinerliisoq aatsaat 80-inik ukioqaleraangat peerneqartarput. Pisortat pinerluuteqarsimannginnermut uppersaataanni eqqartuussutit ukiut qulit qaangiunnerisigut peerneqartarput, namminersortullu pinerluuteqarsimannginnermut uppersaataat pineqaatissiissutit uninnerata qaangiunneraniit ukiut marluk tallimallu qaangiutiinnariartut peerneqartarlutik.

Pisortatigoortumik namminerisamillu pinerluuteqarsimannginnermut uppersaataini kinguaassiuutitigut pinerluutit kisimik ilaatinneqanngillat. Pisortatigoortumik pinerluuteqarsimannginnermut uppersaata pinerluttulerinermik inatsimmik unioqquitsinernut suugaluartunut eqqartuussutit allallu pillugit paasissutissanik imaqarput. Aammattaaq pisortatigoortumik pinerluuteqarsimannginnermut uppersaata

eqqartuunneqarnikkut kiffaanngissusiagaanermik pineqaatissiisoqarluni imaluunniit piginnaatitaaffinnik, assersuutigalugu biilersinnaatitaanermik arsaarinnittoqarluni inatsimmik allamik unioqutitsinernut sunulluunniit eqqartuussutit il.il. pillugit paasissutissanik imaqqarpoq. Namminerisamik pinerluuteqarsimanginnermut uppernarsaat pinerluttulerinermik inatsimmik aamma aanngajaarniutit pillugit inatsimmik unioqutitsinernik suugaluartunik eqqartuussutit pillugit paasissutissanik imaqqarpoq.

Sulisitsisoq inulluunniit pineqartumik sulisitsisussaq pisortatigoortumik namminerisamilluunniit pinerluuteqarsimanginnermut uppernarsaammik saqqummeeqqullugit piumaffiginerannut atatillugu siusinnerusukku pinerluutaasimasut inuusuttut 15-iniit 18-inut ukiullit illersornissaat eqqarsaatigalugit isumaginninnissamut attuumassuteqanngitsut pillugit paasissutissanik piniarsinnaapput. Matumani sillimmasiissutinik peqquserluutit assersuutigineqarsinnaapput. Naak inuusuttuaqqat 15-iniit 18-inut ukiullit pinerlineqarsinnaanermut illersorneqarnissaat eqqarsaatigalugu paasissutissat taamaattut attuumassuteqanngikkaluartut aamma pineqartup sulinissaanut attuumassuteqanngikkaluartut paasissutissat tamakku pineqartup qinnuteqarnerani qinnuteqartunut allanut sanilliullugu piumaneqannginnissaanut pissutaasinnaapput. Akerlianik meeqqanut pinerliisimanginnermut uppernarsaat assersuutigalugu meeqqamut 15-it inorlugit ukiulinnut annersaasimanermut pinerluuteqarsimaneq pillugu paasissutissanik imaqqarnaviangilaq, tamannalu ukiut eqqarsaatigalugit amerlanernik ukioqarnissaq pillugu piumasaqaammik atuineramik allangortitsinaviangilaq, matumani paasissutissat meeqqanik inuusuttunillu illersuinissamik tunngassuteqaraluarpataluunniit.

Ilanngullugulu ukiut tungaasigut killeqartitsineq suliassaqqarfimmut inatsisitigut UPA 2015/105-imi oqaluserisassaq aqqutigalugu kalaallit allannguinerat kingulleq tunngavigalugu aamma eqqaaneqarsimammat eqqaasitsissutigineqassaaq. Aappassaaneerseqarnissaanut isumaliutissiissutip sularineqarneranut atatillugu Inatsisilerisut oqaatigaat pissutsit pillugit Folketingimi Inatsisiliornermut Ataatsimiititaliaq ilisimatissamaarneqalersoq tulluarnepaajussasoq inuusuttut 15-iniit 18-inut ukiullit inunnit kinguaassiutitigut atonerlunneqarnissaannut illersoraanni, matumani pinerluuteqarsimanginnermut uppernarsaateqarnissamut malittarisassanut taarsiullugu meeqqanut pinerliisimanginnermut uppernarsaatinut malittarisassanik taarserneqqarpat.

Aalajangiiffigisassatut siunnersuummut matumunnga tunngatillugu eqqorpoq pinerluuteqarsimanermut nalunaarsuiffik pillugu nalunaarut ilaatigut nalunaarut nr. 99. 26. januar 2017-imeersoq aqqutigalugu allangortinneqarsimammat. Matumanilu aamma nunani allani sakkut atorlugit sorsunnernut peqataasimaneq, pinerliiniarnernut peqataasimaneq, nunat allamiut saqitsaannerannut ilaalersimaneq imaluunniit taamatut iliortunut tapersersuineq pillugit pinerluttulerinermik inatsimmi malittarisassanik unioqutitsinerit pillugit paasissutissat pineqarput. Meeqqanut pinerliisimanginnermut uppernarsaat pillugu aaqquissuussineq taamaalilluni meeqqanut atonerluisartunut illersornissaat kisiat pinnagu annertusineqarsimavoq. Pisinnaatitaaffik pineqartoq taamaalilluni uninngaannartussaangilaq,

inuiaqatigiinnili unamminartut naapertorlugit piffissap ingerlanerani allangortussa, tamannalu matumani meeqqanut pinerliisimanermut uppersaatitut tunngavoq.

Peqatigitillugulu Naalakkersuisut pingaarnertigut isumaqarput meeqqat atonerlunneqarnissaannut illersornissaannut pisinnaatitaaffik tunngavimmigut meeqqanut inersimasunngortussanut tamanut atuuttariaqartoq, aamma Meeqqat Pisinnaatitaaffii pillugit Isumaqatigiissut malillugu.

Tamanna tunngavigalugu siunnersuutip akuersissutigineqarnissaa Naalakkersuisut inassutigaat.